



4. Tschanteda da la suprastanza cumünela in marculli, ils 27.2.2019 a las 19.00 in chesa cumünela S-chanf

Presidi: Gian Fadri Largiadèr

Preschaints: Liun Quadri, Roman Parli, Mario Mammoliti

Suppleant: Linard Luzi

Absaints: Paolo Bernasconi

Actuar: Gian Luca Vitalini

Tractandas:

- | | | |
|----|-------|---|
| 1. | | Protocol |
| 2. | 8.160 | Evaluaziun da process illa resgia da S-chanf |
| 3. | 7.910 | Convegna da prestaziun halla da glatsch regiunela |
| 4. | 0.123 | Delegaziun cumischiun OE S-chanf |
| 5. | 0.700 | Contrat nouva centrella per la telefonia |
| 6. | 0.700 | Infrastructura d'IT novas plazzas da lavur |
| 7. | 0.110 | Reglamaint da chauns |
| 8. | 8.160 | Surdeda da lavuors portas da fier halla da deposit resgia |
| 9. | 9.999 | Varia |

Orientaziun regard il provedimaint d'ova

Sar Martin Gini dal büro d'indschegner Gini spiega cu chi's voul ir inavaunt e glivrer il QS da l'ova da S-chanf. In degtagl voul que dir, chi's fo ün'analisa dal mumaint e's piglia sü l'infrastructura momentana dal provedimaint d'ova. Sar Gini spiega eir scu chi pudess guardar our la clef da spartiziun traunter la vschinauncha e la FLAB, causa cha la vschinauncha surpiglia eir üna tscher'infrastructura da la FLAB, e per sgürer, cha la vschinauncha nu surpiglia ün'infrastructura chi'd es infra cuort temp da saner cun grands cuosts. Medemmamaing es aint illa spartiziun dals cuosts, quaut cha la Flab ho da surpigliar vi d'üna sanaziun dals reservuars. Impü spiega sar Gini, chi'd es necessari da fer ün video cun üna camera aint ils büschens chi vaun da l'inchasch vers la funtauna principela da Punt Murtiröl per guardar in che stedi cha quella lingia es.

La suprastanza tratta quista fatschenda in üna prossma tschanteda e piglia in vista las decisiuns necessarias.

La glista da tractandas vain approveda sainza objecziuns.

Protocol da decisiun

Protocol: Il protocol da la tschanteda dals 13 favrer 2019 vain approvu unanimamaing.

**31 8.160 Resgia
Evaluaziun da process illa resgia da S-chanf**

Il temp passo s'haun musso divers puncts da deblezza i'l schema d'organisaziun impustüt illa resgia. Surtuot es la contabilited / facturaziun / admuniziuns, surpigliar la cumpetenza da respunsabilitad, la regulaziun da suottascripziun, la realisaziun dal dret da persunel / indemnizaziun eui. ün grand tema. Impü es da manzuner, cha per la direcziun da la resgia nun exista üngün reglamaint, uorden u otras basas leghelas in scrittas. Per pudair amegldrer il stedi economic illa resgia da S-chanf e per pudair eir vender in futur la laina indigena sül marchio, as cunfuonda la vschinauncha da S-chanf culla structura da la gestiun da la resgia scu eir culs process e las cifras da prestaziun e finanzas. Our da quist motiv ho la vschinauncha da S-chanf piglio aint ün'offerta tar la HTW per pudair fer üna tela evaluaziun da process. La HTW piglia per mauns la tematica a fuonz e guarda in che regard chi's sturess amegldrer, per pudair esser pü productiv e optimer ils process interns. L'offerta da la HTW per fer uschè ün'evaluaziun s'amuntan sün arduond fr. 17'600.00 exclus isp..

La suprastanza cumünela decida unanimamang da surder la lavur a la HTW da fer ün'evaluaziun dals process illa resgia S-chanf sur fr. 17'600.00 exclus isp.

**32 7.910 Planisaziun regiunela
Cunvegna da prestaziun halla da glatsch regiunela**

In occasiun da la votaziun cumünela dals 10 favrer 2019 es gnieu cumpletto l'art. 6 al. 2 dals statüts, resguardand la construcziun e gestiun d'ün center da sport sün glatsch scu incumbenza regiunela, zieva cha las vschinaunchas haun autoriso la regiun da dvanter potenzielmaing activa. Confuorm a l'art. 6 al. 3 dals statüts da la Regiun Malögia succeda il transferimaint da las incumbenzas tres üna cunvegna da prestaziun i'l sen da l'art. 28 dals statüts da la Regiun Malögia. Quista cunvegna obliescha exclusivmaing las vschinaunchas partecipedas.

Cun la preschainta cunvegna da prestaziun transferescha la vschinauncha l'evaluaziun d'ün center da sport sün glatsch a la Regiun cun las seguintas incumbenzas:

- Evaluer il lö
- Fixer ün lö
- Fer eventuelmaing üna proposta a la vschinauncha dal lö concernent l'adattaziun da l'uorden da basa
- Adatter eventuelmaing il plan directiv regiunel

Per las prestaziuns cha la Regiun ho da furnir tenor cif. 2.1 es necessari ün import da fr. 300'000.00.

Prestaziun da la vschinauncha:

La vschinauncha peja a la Regiun üna contribuziun tenor cleve da repartiziun dals cuosts actuela da la Regiun, per ch'ella possa accumplir las incumbenzas transferidas ad ella tres quista cunvegna da prestaziun.

Confuorm a la cleve da repartiziun dals cuosts actuela da la Regiun Malögia, a basa da l'art. 33 dals statüts da la Regiun Malögia, s'amunta la part da la vschinauncha da S-chanf a 3.1%, dimena a fr. 9'300.00.

La suprastanza cumünela sustegna la cunvegna e decida unanimamang da suottametter quista cunvegna a la prosma radunanza cumünela. Medemmamang decida la suprastanza da surder a la cumischiun da turissem l'incumbenza d'elavurer ün concept per promover la fabrica da la halla da glatsch a S-chanf. Impü vain surdeda l'incumbenza a la cumischiun da turissem, da s'angascher tar l'istanza respunsabla e tals iniziants da la halla da glatsch, per cha'l proget po gnir realiso a S-chanf.

**33 0.123 Delegaziuns
Delegaziun d'ün suprastant illa cumischiun da l'OE**

Tenor la ledscha da l'OE S-chanf ho da fer part ün commember da la suprastanza cumünela illa cumischiun administrativa da l'OE.

Art. 18 Cumischiun administrativa

¹La cumischiun administrativa as cumpuona da trais fin tschinch commembers.

²Ün commember da la suprastanza cumünela ho da fer part illa cumischiun administrativa causa l'uffizi. Ils ulteriurs commembers da la cumischiun administrativa vegnan tschernieus tres la radunanza cumünela. La suprastanza cumünela ho da pisserer, cha tar la proposta da la tscherna da la cumischiun administrativa vain rapreschanto avuonda competenza professiunela. La cumischiun administrativa as constituescha dal rest sves. Il temp d'uffizi importa ün an; a nu do üngüna limitaziun dal temp d'uffizi.

Tenor sclarimaints giuridics nu ho il delegio da la suprastanza da gnir tschernieu da la radunanza cumünela. Scu delegios vegnan propost Roman Parli e Liun Quadri. Ils duos candidats s'absaintan per la discussiun e la tscherna.

La suprastanza cumünela decida cun duos cunter üna vusch da deleger a Liun Quadri aint illa cumischiun administrativa da l'OE S-chanf.

Impü abolescha la suprastanza cumünela la grupp da lavur chi preparaiva la fundaziun da l'OE e discutta sur divers temas e la colavuraziun traunter la suprastanza e la cumischiun administrativa. Ils termins tenor chalender politic da la vschinauncha da S-chanf velan eir per la cumischiun. I vain pretais, cha fin la fin da settember ho dad esser preschaint il preventiv per l'an chi vain tal contabel cumünel. Impü nu sto l'administraziun cumünela a disposiziun per lavuors. La comunicaziun invers la populaziun exeguischa tres la Spia d'uerdi. Medemmamaing pretenda la suprastanza cumünela, cha la tschintschevla persuna illa cumischiun administrativa ho dad esser üna persuna cun fich bunas cugnuschentschas da finanzas. Per tschercher üna persuna cumpetenta vain publicho quist post uffizielmaing illa chascha naira.

**34 0.700 Stabels d'administraziun
Contrat nouva centrela per la telefonia i'l administraziun cumünela**

Causa cha la centrela da telefon nu es pü sül stedi il pü actuel voul que üna nouva soluziun. Il futur sarro la telefonia via IP. La Swisscom es landervi in tuotta Svizra da müder sün quist sistem. Our da quel motiv haun tuot ils affers pü bod u pü tard da müder sün quista nouva telefonia. Il chanzlist ho piglio aint ün'offerta tar la firma dieIT chi tuocho a la firma Elektro Koller. Tenor offerta s'amuntan ils cuosts per quist proget sün fr. 5'323.15. I fo sen, cha la firma dieIT surpiglia quistas lavuors, causa ch'els cugnuschan già oura se cun la centerela da telefons i'l administraziun cumünela.

La suprastanza cumünela decida unanimaing da surder las lavuors a la firma dieIT per fr. 5'323.15 inclus isp.

**35 0.700 Stabels d'administraziun
Infrastructura d'IT novas piazza da lavur**

Causa la nouva infarstructura dal server illa chesa cumünela voul que da temp a temp darcho nouv computers per esser garantieu sül stedi pü actuel tecnic. Impü s'haun musso a singulas plazzas da lavur problems pü grands culs computers. Our da quel motiv ho la firma informatica AG fat ün'offerta per tuot las plazzas da lavur l'i administraziun cumünela. Per cha tuot ils collavuratuors paun lavurer speditiv e cun ils mez pü nouv fo que sen, da müder our ils computers e laptops vegls cun la tecnica pü nouva. L'offerta s'amunta sur fr. 19'862.40 inclus isp.. Il president cumünel ed il chanzlist faun la proposta d'aderir a quista dumanda, causa cha la firma informatica AG ho già fatta tuot las lavuors d'informatica illa chesa cumünela.

36 0.110 Legislativa
Reglamaint d'impostas, taxas e multas per la ledscha davart il
tegner chauns illa vschinauncha da S-chanf

In occasiun da la radunanza cumünela dals 20 favrer 2019 ho il suveraun approvo la ledscha da chauns cun fich gronda magiurited e sainza cuntravusch. A basa da la ledscha davart il tegner chauns illa vschinauncha da S-chanf decretescha la suprastanza cumünela il reglamaint d'impostas, taxas e multas. La taxa da tegner ün chaun vain fixo scu fin co sün fr. 120.00.

La suprastanza cumünela decida unanimamaing d'aderir il reglamaint d'impostas, taxas e multas per la ledscha davart il tegner chauns illa vschinauncha da S-chanf.

37 8.160 Resgia
Surdeda da lavuors portas da fier per la halla da deposit illa resgia
da S-chanf

Per la halla da deposit da la resgia mauncha auncha la surdeda da lavuors per las portas da fier. I sun gnidas pigliedas aint duos offertas. L'offerta la pü favuraivla es da la firma Normstahl AG dal farrer sar Curdin Joos. L'offerta s'amunta sün totel fr. 30'700.00.

La suprastanza cumünela decida cun quatter cun üna vusch, da sureder la lavur a la firma Normstahl AG per üna pauschela da fr. 30'700.00 inculs isp.

38 9.999 Varia

La suprastanza cumünela piglia cugnuschtscha

Protocol da la conferenza dals presidents da la regiun malögia.

Resposta da l'uffizi per economia e turissem dal Grischun regard la dumanda da contribuziun «Pass Chaschauna».

Charta da l'uffizi da god e prievels da natüra regard der liber il deposit forestel in connex culla deponia Bos-chetta Plauna.

Protocol da la suprastanza da l'ARO dals 06 december 2018.

Charta dal Ucb regard üna disposiziun per il placats per la votaziun ils 19 mai 2019 sur da l'aboliziun da la chatsch'extra.

Invid per la radunanza dals delegos da la CEE ils 22 marz 2019 aint l'auditorium dal muzeum Susch. La suprastanza cumünela piglia cungschunetscha da la proposta da la vschinauncha da Scuol cha duonna Aita Zanetti as metta a disposiziun per la tscherna illa suprastanza da la CEE. I vain giavüscho da der l'annunzcha al chanzlist fin in venderdi ils 01 marz 2019.

Protocol da decisiun da la cumischiun da fabrica pel center da chüra promulins.

A las vain 22.15 la tschanteda alveda.

In buna fè

Il president:

L'actuar:

G. Largiadèr

G.L. Vitalini